



DEPUTACIÓN PROVINCIAL
A CORUÑA

Servizo de Promoción Económica, Turismo e Emprego

Referencia: OPAS / 2026

Expediente convocatoria: 2025000035012

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PROGRAMA DE SUBVENCÍONS ÁS ORGANIZACIÓNS PROFESIONAIS AGRARIAS E LABREGAS (OPAS) DA PROVINCIA DA CORUÑA PARA A REALIZACIÓN DE ACTIVIDADES DURANTE O ANO 2026 (OPAS / 2026)

Don **VALENTÍN GONZÁLEZ FORMOSO**, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "Programa de subvencións ás organizacións profesionais agrarias e labregas (OPAs) da provincia da Coruña para a realización de actividades durante o ano 2026", e vistos os informes do Servizo de Promoción Económica, Turismo e Emprego, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "Programa de subvencións ás organizacións profesionais agrarias e labregas (OPAs) da provincia da Coruña para a realización de actividades durante o ano 2026", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2026 coa suficiente antelación.

Segundo. Aprobar as Bases reguladoras do "Programa de subvencións ás organizacións profesionais agrarias e labregas (OPAs) da provincia da Coruña para a realización de actividades durante o ano 2026", que figuran no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar a convocatoria do Programa de subvencións ás organizacións profesionais agrarias e labregas (OPAs) da provincia da Coruña para a realización de actividades durante o ano 2026, de conformidade coas bases reguladoras que figuran no Anexo - Bases Reguladoras.

O prazo de solicitude iniciárase ás 08:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Quinto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urgente.

Sexto. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercer calquera outro recurso que se estime pertinente.

ANEXO - BASES REGULADORAS

BASES REGULADORAS DO PROGRAMA DE SUBVENCÍONS ÁS ORGANIZACIÓNS PROFESIONAIS AGRARIAS E LABREGAS (OPAS) DA PROVINCIA DA CORUÑA PARA A REALIZACIÓN DE ACTIVIDADES DURANTE O ANO 2026 (OPAS/2026)

Datos do programa

Unidade xestora	Servizo de Promoción Económica, Turismo e Emprego
Sección	Sección de Promoción Económica e Emprego
Anualidade	2026
Denominación	Programa de subvencións ás organizacións profesionais agrarias e labregas (OPAS) da provincia da Coruña para a realización de actividades durante o ano 2026.
Beneficiarios	Organizacións profesionais agrarias e labregas (OPAS) da provincia da Coruña
Programa	OPAS/2026
Aplicación orzamentaria	0510/414.1 /481
Importe da convocatoria	200.000,00€ Este importe poderá ser obxecto de modificación orzamentaria.
Importe do orzamento de gastos	Mínimo : 30.000,00€ Máximo: 125.000,00€
Importe da subvención que se vai conceder	Mínimo : 6.000,00€ Máximo :100.000,00€
Importe solicitado	Do 20% ao 80% do orzamento de gastos subvencionables
Coeficiente de financiamento	Variable entre 20% 0 e 80%
Gasto anticipado	Si, será de aplicación o establecido na Ordenanza xeral de subvencións e transferencias da Deputación provincial da Coruña.

Exposición de motivos

A Deputación da Coruña, no marco das súas competencias, destina importantes recursos á actividade de fomento, principalmente mediante a concesión de axudas económicas orientadas á promoción de actividades e investimentos, e mantemento de centros e servizos considerados de interese público, coa finalidade de contribuír a que as entidades da provincia acaden os obxectivos que lles son propios e de fomentar a participación da cidadanía nos distintos ámbitos de actuación e promover a igualdade de xénero.

BASES

Base 1. Réxime xurídico

O marco normativo polo que se rexerán as subvencións concedidas pola Deputación é o establecido na Ordenanza xeral de subvencións e transferencias da Deputación da Coruña e na seguinte normativa específica:

- Lei 1/2002, de 22 de marzo, reguladora do dereito de asociación.

A presente subvención está incluída no plan estratéxico provincial de subvencións da Deputación 2025-2027 aprobado polo Pleno da Corporación en sesión ordinaria do 27 de setembro do 2024 e contribúe ao logro dos obxectivos incorporados no dito plan.

Base 2. Obxecto e finalidade

2.1.- Obxecto

O obxecto desta convocatoria é subvencionar accións tendentes a fomentar a participación das/dos agricultoras/es e gandeiras/os no seu ámbito de actuación contribuíndo deste xeito a impulsar a democratización do agro, mediante a mellora da calidade de vida das/os agricultoras/es e gandeiras/os, mediante a vertebración social e profesional do sector agrario, gandeiro e forestal, e o asesoramento e a prestación dos servizos precisos ás explotacións agrarias, gandeiras e forestais, co fin de mellorar as súas rendas e as súas condicións de traballo da provincia da Coruña.

Os gastos subvencionables serán os seguintes:

- Contratación de persoal técnico, soldos e salarios, seguridade social do persoal asociado ás oficinas abertas polas OPAS na provincia da Coruña, gastos derivados de cursos, seminarios, xornadas e congresos, material funxible para a realización da actividade, desprazamentos imprescindibles para a realización da actividade, gastos de funcionamento da entidade cando estean directamente vinculados á realización da actividade co límite máximo do 15%

2.2.- Finalidade

No ano 2026 no contexto dunha realidade social, económica e cultural derivada da situación de desaceleración da economía mundial, como consecuencia de múltiples crises ás que se

enfrenta (transición enerxética dirixida a eliminación dos combustibles fósiles, as forzas do cambio climático...os conflitos en solo europeo.. as ameazas derivadas das novas variantes do COVID 19,..etc), a área de Promoción Económica, Turismo e Emprego da Deputación da Coruña renova a súa aposta polo apoio ao sector económico e turístico en todas as súas dimensións, e moi especialmente naquelas máis directamente vinculadas á creación de emprego, mantemento de estruturas profesionais e creativas, o impulso e democratización do agro.

2.3.-Ámbito temporal

As actividades obxecto deste programa deben realizarse no período comprendido entre o 1 de xaneiro e o 31 de decembro de 2026. Polo tanto, unicamente admitiranse xustificantes de gastos expedidos dentro das datas sinaladas.

Excepcionalmente, para xustificar os gastos que fosen realizados no final do período da convocatoria, poderán admitirse xustificantes que sexan expedidos antes do 16 de xaneiro de 2027.

Base 3. Solicitantes

A presente convocatoria vai dirixida ás organización profesionais agrarias e labregas (OPAS) da provincia da Coruña, que cumpran os requisitos nestas bases e os requisitos establecidos na Ordenanza xeral de subvencións e transferencias da Deputación Provincial da Coruña no momento de presentaren a solicitude.

En concreto, as seguintes entidades:

Organizacións profesionais agrarias e labregas (OPAS) con implantación na provincia da Coruña, legalmente constituídas en Galicia, que concorreran ás derradeiras eleccións á cámaras agrarias na provincia da Coruña e que desenvolvan as súas actividades no ámbito territorial da provincia da Coruña ou sobre temas de interese para ésta.

Base 4. Gastos subvencionables

4.1.- Gastos subvencionables no programa OPAS/2026:

Conta	Descrición da conta
600	Compras de bens destinados á actividade (material non inventariable)

Conta	Descrición da conta
607	Traballos realizados por outras empresas (que sexan indispensables para a realización da actividade)
624	Transportes (só gastos de desprazamentos do persoal alieo á entidade beneficiaria que sexan necesarios para a realización da actividade, concertados con terceiros en transporte público ou privado)
627	Publicidade, propaganda e relacións públicas
628	Subministracións (electricidade e outros abastecementos non almacenables)
629	Outros servizos (só gastos de viaxe (desprazamento) do persoal da entidade necesarios para a realización da actividade)
640	Soldos e salarios
642	Seguridade Social

** No caso de contratación directa de persoal, deben desagregar os importes correspondentes aos conceptos “640. Soldos e Salarios” e “642. Seguridade social a cargo da entidade”.

Deberá acreditarse a vinculación dos gastos de persoal co obxecto subvencionado na memoria da actividade, no trámite da xustificación.

4.2.- Gastos excluídos:

- Os gastos de manutención, aloxamento e atencións protocolarias (medallas, placas, trofeos, figuras, etc).
- As viaxes de lecer, premios e agasallos.
- A realización de estudos.
- Os gastos referidos a actividades que non se correspondan cos obxectivos da convocatoria ou que sexan subvencionados a través doutras convocatorias da Deputación Provincial da Coruña.
- Os gastos financeiros.
- Os gastos de reparacións e conservacións.
- Os gastos de material inventariable.
- Os gastos de funcionamento da entidade só poderán ser subvencionables cando estean directamente vinculados á realización da actividade subvencionada, co límite máximo do 15% dos gastos directos da actividade. Estes gastos deberán especificarse motivadamente no presuposto.

Base 5. Compatibilidades e exclusións

As subvencións deste programa son compatibles con outras subvencións, axudas, ingresos ou recursos para a mesma finalidade, procedentes de calquera outra administración ou ente público ou privado, nacional, da Unión Europea ou de organismos internacionais.

As subvencións deste programa son incompatibles con outras subvencións da Deputación da Coruña

Base 6. Forma e prazo da solicitude

Non se admitirá máis dunha solicitude por persoa ou entidade. Co fin de que non se eluda o cumprimento deste límite, considerarase que existe só una persoa xurídica privada cando as persoas socias ou directivas sexan comúns en máis dun 50 por cento en dúas ou máis entidades nos termos establecidos na Lei xeral de subvencións e nas súas normas de desenvolvemento, así como as que puideren encaixar no concepto de grupo nos termos dispostos no Código de Comercio.

A forma e prazo da solicitude regúlanse na vixente Ordenanza xeral de subvencións e transferencias da Deputación Provincial da Coruña.

O prazo de presentación de solicitudes determinarase na convocatoria, que se publicará no BOP, por conduto da Base de Datos Nacional de Subvencións.

Os datos persoais facilitados serán tratados pola Deputación da Coruña, como responsable do tratamento, co fin de levar a cabo a tramitación administrativa dos programas de subvención. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Máis información na Política de Privacidade da Deputación.

Base 7. Compromisos e obrigas

Ademais dos requisitos dispostos con carácter xeral na lexislación básica estatal e autonómica ou na Ordenanza xeral de subvencións e transferencias da Deputación, as persoas beneficiarias, deberán cumprir cos seguintes compromisos e obrigas:

7.1. Difusión do apoio da Deputación.

7.1.1.- As entidades solicitantes procederán á inclusión do logotipo da Deputación nos soportes de difusión das actividades subvencionadas facendo constar ao seu carón o texto: “Actividade subvencionada pola Deputación da Coruña”.

7.1.2.- As entidades ostentarán, en lugar visible e na súa páxina web, a imaxe corporativa da Deputación da Coruña.

7.1.3.- As entidades solicitantes, na difusión das actividades subvencionadas en redes sociais, deberán incluír ou etiquetar nas súas entradas aos perfís da Área de Promoción Económica da Deputación: @DACCultura na rede social Xe<https://www.facebook.com/daccultura/> no FACEBOOK.

7.1.4.- As entidades solicitantes deberán ter sempre a súa páxina web oficial en lingua galega e o conxunto de soportes informativos e de difusión das súas actividades (folletos, carteis, cuñas de audio, programas de man, etc) deberán de estar sempre en lingua galega, sen que iso exclúa a posibilidade de utilizaren tamén outras linguas.

Base 8. Valoración das solicitudes e procedemento de concesión

8.1.- Procedemento de concesión

A concesión das subvencións realizarase en réxime de concorrencia competitiva polo procedemento de concesión provisional e concesión definitiva regulado na Ordenanza xeral de subvencións e transferencias da Deputación da Coruña e será aprobada por resolución da presidencia.

A entidade deberá completar todos os apartados da plantilla da memoria, para posibilitar a adecuada valoración das solicitudes. Non se terán en conta para o baremo -nin se fará requirimento deles- aqueles aspectos da memoria non acreditados ou non informados debidamente pola entidade solicitante.

8.2.- Valoración das solicitudes:

8.2.a.- Conceptos de valoración:

Coeficiente de financiamento derivado da solicitude	Ata 20 puntos
---	---------------

Representación feminina no órgano de goberno da entidade	Ata 10 puntos
Número de centros de atención ao público propios ou en cesión	Ata 40 puntos
Número de socias/s	Ata 30 puntos

Base 9. Xustificación e pago

A xustificación poderá presentarse a partir do día seguinte á publicación da resolución de concesión definitiva das subvencións no BOP. O prazo para a xustificación das subvencións rematará o día 31 de marzo de 2027, ás 14:00 horas.

Base 10.- Incumprimentos e sancións

Será de aplicación o disposto na Ordenanza xeral de subvencións e transferencias da Deputación Provincial da Coruña.

ANEXOS DOCUMENTACIÓN

ANEXO I - Documentación da solicitude

Declaracións:

- A entidade que represento cumpre todos os requisitos esixidos aos solicitantes na lexislación vixente en materia de subvencións, nas Bases reguladoras da presente convocatoria e na Ordenanza xeral de subvenciones e transferencias da Deputación Provincial da Coruña, e no caso de resultar beneficiaria da subvención comprométese a cumprir fielmente todas as obrigas e compromisos recollidos nas mesmas e a acreditar de forma fidedigna o seu cumprimento no caso de ser requirida pola Deputación.
- A entidade que represento comprométese a utilizar a lingua galega no desenvolvemento do proxecto subvencionado e na produción escrita e oral (cartelaría, publicidade oral e escrita, redes sociais, etc.) a que dea lugar toda a actividade subvencionada, e a dar cumprimento á aquelas outras obrigas establecidas nas bases en relación coa lingua galega.
- A entidade que represento comprométese a empregar unha linguaxe non sexista e inclusiva; tratar as imaxes con valores de igualdade, presenza equilibrada, diversidade, pluralidade de roles e identidades de xénero e a recabar datos de participación desagregados por sexo no caso de estudos, estadísticas, enquisas e

formularios.

- A entidade que represento comprométese a dar cumprimento as obrigas de difusión do apoio da Deputación establecidas nas bases.
- No caso de que algunha das actividades que desenvolve a entidade implique contacto habitual con menores, a entidade que represento comprométese a comprobar que o persoal ao seu cargo non foi condenado por sentenza firme por ningún delito contra a liberdade sexual.
- A entidade que represento está legalmente constituída antes da presentación da solicitude e dispón dos estatutos adaptados á lei vixente. Asemade, o seu obxecto a faculta para a participación nesta convocatoria.
- Declaro que nin eu nin a entidade á que represento estamos incursos/as en ningunha das prohibicións previstas no art. 10 da Lei 9/2007 de Subvencións de Galicia, do 13 de xuño para ser beneficiarias ou percibir subvencións da administración pública.
- A entidade que represento comprométese a solicitar tres orzamentos de distintos provedores, no caso de que contrate cun mesmo provedor un gasto superior a 15.000€ (IVE excluído) pola prestación dun servizo ou subministracións, e de que seleccionará un deles de xeito motivado, nos termos do artigo 31.3 da Lei 38/2003, do 17 de novembro, xeral de subvencións.

Documentación:

- Certificación do acordo de solicitude, de representación, delegación, cargos da entidade e do número de persoas asociadas.
- Estatutos da entidade adaptados á lexislación vixente nos que conste a inscrición no rexistro público correspondente.
- Memoria da solicitude das actividades a subvencionar, que contará como mínimo, os seguintes aspectos:

Breve descrición da actividade que se vai realizar e da súa implantación na provincia da Coruña, para os efectos de comprobar que é subvencionable nesta convocatoria segundo o disposto nestas Bases; calendario de realización da actividade ao longo do ano 2026; adecuación da actividade ao interese provincial; número de persoas beneficiadas directa ou indirectamente; acreditación de estar legalmente constituídas en Galicia; acreditación de concorrencia nas derradeiras eleccións ás cámaras agrarias da provincia da Coruña; declaración de persoal contratado en réxime laboral na data de publicación desta convocatoria, con especificidade do réxime contractual indefinido ou temporal, cualificación e identificación do persoal adscrito á provincia da Coruña; representación feminina no órgano de goberno da mesma e número de centros de atención ó público propios ou en cesión.

- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- No caso de que a entidade solicitante concerte a execución total ou parcial da actividade ou proxecto subvencionado con persoas físicas ou xurídicas vinculadas á entidade: Solicitud de autorización (segundo o disposto no artigo 29.7, d, da Lei xeral de subvencións e artigo 68 do Regulamento desta lei aprobado por RD 887/2006, do 21 de xullo).

A entidade deberá presentar a documentación esixida segundo os modelos que figuran na plataforma Subtel.

ANEXO II - Documentación xustificación

Declaracións:

- A entidade que represento deu cumprimento ás obrigas de difusión do apoio da Deputación establecidas nas Bases.
- No caso de que algunha das actividades que desenvolve a entidade implique contacto habitual con menores, a entidade que represento comprobou que o persoal ao seu cargo non foi condenado por sentenza firme por ningún delito contra a liberdade sexual.
- A entidade que represento non ten pendente de xustificación ningunha cantidade anticipada pola Deputación na que xa rematara o prazo para a presentación de xustificantes.
- No caso en que os gastos subvencionables non acaden o importe mínimo a xustificar, ou se aplique algunha das reducións contempladas nests Bases ou no caso en que a achega provincial, xunto cos outros ingresos percibidos para o mesmo obxecto, supere aos gastos executados: A entidade que represento renuncia á parte da achega provincial non xustificada e, no seu caso, acepta o reintegro da cantidade anticipada.
- No caso en que a xustificación se presente fóra de prazo: A entidade que represento **acepta a sanción** que corresponde e consinte en efectuar voluntariamente o pagamento desta mediante compensación no pago da subvención, e non presentará alegacións nin recurso algún ao respecto (Esta declaración suporá unha redución do importe da sanción dun 90%).

Documentación:

- Acreditación da representación, delegación, e cargos da entidade, no seu caso.
- Relación clasificada dos gastos realizados: Documento descargable en SUBTeL e que se xera automaticamente unha vez rexistrados os gastos da actividade ou investimento obxecto de subvención no apartado correspondente da xustificación.
- No suposto de que se xustifiquen gastos de persoal, na relación de gastos indicárase, para cada traballadora/r e mes, o importe bruto da nómina (conta 640) e o importe da seguridade social con cargo á entidade (conta 642) que corresponda en función do tempo destinado ao proxecto subvencionado.

Para as subvencións por importe igual ou superior a 60.000,00 €, deberán incorporar as facturas ou documentos equivalentes incluídos na relación clasificada de gastos.

- Relación detallada de todos os ingresos de natureza pública ou privada obtidos para a mesma finalidade, con indicación do seu importe e procedencia, así coma dos ingresos que xere a actividade subvencionada ou, pola contra, manifestación de que non se obtiveron outros ingresos para a mesma finalidade.
- Declaración da entidade indicando se está ou non exenta do IVE e se está suxeita á regra de rateo a porcentaxe deducible, xa que só poderá terse en conta o cargo co dito imposto cando sexa soportado pola entidade e na porcentaxe que non fora deducible.
- No caso de que contratase cunha mesma empresa un gasto superior a 15.000€ (IVE excluído) pola prestación dun servizo ou subministro: Copia dos tres orzamentos solicitados e motivación da contratación da empresa seleccionada no caso de que non sexa a máis económica.
- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- Memoria xustificativa.
- No suposto de que a subvención se xustifique con gastos de persoal deberá acreditarse na memoria, a vinculación dos gastos de persoal co obxecto subvencionado.
- Proba documental (acreditación gráfica, mediante fotografía, imaxes...etc), do cumprimento das obrigas de difusión do apoio da Deputación e do uso da lingua galega contempladas na. No caso de non ter, páxina web e/ou de redes sociais, declaración de non dispoñer delas.

Documentación adicional no caso de que a entidade non estea dada de alta na base de datos de terceiros da Deputación provincial da Coruña ou teña intención de

asignar unha nova conta bancaria:

Designación de conta bancaria da entidade no modelo aprobado pola Deputación da Coruña, asinado co certificado de representación da entidade.

Certificado acreditativo da titularidade da conta, emitido e asinado electronicamente pola entidade bancaria correspondente ou asinado co certificado de representación da entidade solicitante.

A entidade deberá presentar a documentación esixida segundo os modelos que figuran na plataforma Subtel

ANEXO - EXTRACTO DA CONVOCATORIA

GALEGO

Primeiro. Beneficiarios

Poderán acceder a estas axudas as organizacións profesionais agrarias e labregas (OPAs) con implantación na provincia da Coruña, legalmente constituídas en Galicia, que concorreran ás derradeiras eleccións as cámaras agrarias na provincia da Coruña, que desenvolvan as súas actividades no ámbito territorial da provincia da Coruña ou sobre temas de interese para ésta.

Segundo. Obxecto

O obxecto desta convocatoria é subvencionar accións tendentes a fomentar a participación das/dos agricultoras/es e gandeiras/os no seu ámbito de actuación contribuíndo deste xeito a impulsar a democratización do agro, mediante a mellora da calidade de vida da/os agricultoras/es e gandeiras/os, mediante a vertebración social e profesional do sector agrario, gandeiro e forestal, e o asesoramento e a prestación dos servizos precisos ás explotacións agrarias, gandeiras e forestais, co fin de mellorar as súas rendas e as súas condicións de traballo da provincia da Coruña.

Terceiro. Bases reguladoras

A presente convocatoria rexerá polas Bases reguladoras publicadas no BOP.

Cuarto. Contía

O importe da consignación prevista ascende a un total de 200.000,00€, con cargo á partida 0510/4141/481 do orzamento ordinario para 2026. As axudas a conceder oscilarán: Entre un mínimo de 6.000,00€ e un máximo de 100.000,00 €.

Quinto. Prazo de presentación de solicitudes

O prazo de solicitude iniciárase ás 08:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes coma o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Sexto. Outros datos de interese

Tanto as solicitudes coma o resto da tramitación da presente convocatoria, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña <https://sede.dacoruna.gal/>

CASTELLANO

Primero. Beneficiarios

Podrán acceder a estas ayudas las organizaciones profesionales agrarias y de labradores (OPAs) con implantación en la provincia de A Coruña, legalmente constituídas en Galicia, que hayan concurrido a las últimas elecciones a las cámaras agrarias en la provincia de A Coruña, que desarrollen sus actividades en el ámbito territorial de la provincia de A Coruña o sobre temas de interés para ésta.

Segundo. Objeto

El objeto de esta convocatoria es subvencionar acciones tendentes a fomentar la participación de

las/os agricultoras/es y ganaderas/os en su ámbito de actuación contribuyendo de este modo a impulsar la democratización del campo, mediante la mejora de la calidad de vida de la/os agricultoras/es y ganaderas/os, mediante la vertebración social y profesional del sector agrario, ganadero y forestal, y el asesoramiento y la prestación de los servicios precisos a las explotaciones agrarias, ganaderas y forestales, con el fin de mejorar sus rentas y sus condiciones de trabajo de la provincia de A Coruña.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

El importe de la consignación prevista asciende a un total de 200.000,00€, con cargo a la partida 0510/4141/481 del Presupuesto ordinario para 2026. Las ayudas a conceder oscilarán: Entre un mínimo de 6.000,00€ y un máximo de 100.000,00 €

Quinto. Plazo de presentación de solicitudes

El plazo de solicitud se iniciará a las 08:00 horas del día 15 de noviembre de 2025, y finalizará a las 14:00 horas del día 16 de diciembre de 2025, toda vez que, tanto las solicitudes como el resto de la tramitación del programa, se realizará por vía telemática a través de la plataforma SUBTEL, accesible desde la sede electrónica de la Diputación provincial de A Coruña.

Sexto. Otros datos de interés

Tanto las solicitudes como el resto de la tramitación de la presente convocatoria, se realizará por vía telemática a través de la plataforma SUBTEL, accesible desde la sede electrónica de la Diputación Provincial de A Coruña <https://sede.dacoruna.gal/>.